


Վարչական իրավախախտման գործով գանգատն առանց բավարարման, իսկ որոշումն անփոփոխ թողնելու մասին

07.07.2016թ.

Ճանապարհային ոստիկանության պետ, ոստիկանության գնդակապետ Ա. Գևորգյանին վերանայելով Ռուդոլֆ Վարդանյանի դիմումի շուրջ ստեղծված նյութերը

Պ Ա Ր Ձ Ե Ց Ի



2016թ. հունիսի 29-ին Երևան քաղաքի Ամիրյան փողոցի 15 շենքի 10 բնակարանի բնակիչ Ռ.Վարդանյանը դիմում է հասցեագրել այն մասին, որ ստացել է վարչական տույժ նշանակելու մասին ԱԹ թիվ 803753 որոշումը, որի հետ համաձայն չէ, քանի որ տեսուչից պահանջել է իրեն ներկայացնել խախտման տեսագրությունը, սակայն վերջինս պատճառաբանել է, որ խախտումը չի տեսագրվել:

Դիմումի ուսումնասիրությամբ պարզվել է, որ 2016թ. հունիսի 16-ին ժամը 13.00-ին Երևան քաղաքի Լենինգրադյան փողոցում Ռ.Վարդանյանի կողմից վարած «Նիսսան» մակնիշի 21 RV 021 հաշվառման համարանիշի ավտոմոբիլը կանգնեցվել է ճանապարհային ոստիկանության ճՊԾ 1-ին սպայական գումարտակի 1-ին սպայական դասակի տեսուչներ ոստիկանության ավագ լեյտենանտներ Գ.Կարապետյանի և Գ.Մովսիսյանի կողմից ճեփ-ի խախտման համար, այն է՝ վարորդը կատարել է ձախ շրջադարձ՝ հատելով հակադիր հոսքերն իրարից բաժանող հոծ գծերը: Վարորդի նկատմամբ կազմվել է համապատասխան արձանագրություն և համաձայն ՀՀ ՎՊՈ օր-ի 124-րդ հոդվածի 2-րդ մասի կայացվել ԱԹ թիվ 803753 որոշումը վերջինիս 10.000 դրամ տուգանելու մասին:

Ըստ տեսուչների գրավոր բացատրությունների՝ իրավախախտումը նկատելուց հետո ավտոմոբիլը սահմանված կարգով կանգնեցվել է, տեսուչ Կարապետյանը մոտեցել է վարորդին, ներկայացել, հայտնել իրավախախտման բնույթը և փաստաթղթերը ստուգելուց հետո կազմել համապատասխան արձանագրություն: Վարորդը չի ընդունել իր կողմից թույլ տված իրավախախտումը, ինչի մասին նշել է արձանագրության մեջ և համապատասխան որոշում կայացնելուց հետո հրաժարվել է ստորագրել և ստանալ որոշման իր օրինակը: Ինչ վերաբերվում է իրավախախտման տեսագրությանը՝ տեսուչները նշել են, որ ծառայողական ավտոմոբիլի առջևից երթևեկող ավտոմոբիլների պատճառով տեխնիկապես հնարավոր չի եղել տեսագրել խախտումը, սակայն այն եղել է ակնհայտ և իրենց համար պարզ տեսանելի:


2016թ. հունիսի 6-ին իր դիմումի քննարկմանը մասնակցելու նպատակով քաղ. Ռ.Վարդանյանն հրավիրվել է ճանապարհային ոստիկանության ճՊԾ բաժին, սակայն վերջինս հայտնել է, որ իր դիմումին ավելացնելու ոչինչ չունի, խնդրել է հիմք ընդունել դիմումով ներկայացվածը և արդյունքների մասին հայտնել գրավոր:

«Ճանապարհային երթևեկության անվտանգության ապահովման մասին» ՀՀ օրենքի 17-րդ հոդվածի, ճանապարհային ոստիկանության ծառայողը պարտավոր է տրանսպորտային միջոցը կանգնեցնել, եթե ակնհայտ կամ տեխնիկական միջոցների օգտագործմամբ երևում է, որ վարորդը խախտել է ճանապարհային երթևեկության կանոնների պահանջները: Նույն հոդվածի 8-րդ մասի համաձայն՝ երթևեկության սահմանված արագության գերազանցման և տրանսպորտային միջոցների ապակիների լուսաթափանցելիության սահմանված չափի խախտումների համար պատասխանատվություն է առաջացնում, երբ տվյալ խախտումը փաստարկված է համապատասխան տեխնիկական միջոցների կիրառմամբ:

Այսպիսով, կատարված ուսումնասիրություններով պարզվել է, որ Ռ.Վարդանյանի արարքում առկա է Վարչական իրավախախտումների վերաբերյալ ՀՀ օրենսգրքի 124 հոդվածի 2-րդ մասով նախատեսված դեպքը, ուստի ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

1. Ռ.Վարդանյանի դիմումը թողնել առանց բավարարման, իսկ ճանապարհային ոստիկանության ճՊԾ 1-ին սպայական գումարտակի 1-ին սպայական դասակի տեսուչ, ոստիկանության ավագ լեյտենանտ Գ.Կարապետյանի կազմած ԱԹ թիվ 803753 վարչական իրավախախտման արձանագրության հիման վրա կայացրած 2016թ. հունիսի 16-ի որոշումը՝ Ռ.Վարդանյանին տաս հազար դրամ տուգանելու մասին՝ անփոփոխ:

2. Սույն որոշման օրինակներն ուղարկել ճանապարհային ոստիկանության ՊՅՎ բաժնի վարչական գործունեության բաժանմունք և դիմումատուին:



Ա.Յակոբյան

Կատարող՝ Ջ.Սելբոնյան
հեռ.011-567944

